

南洲寓浪華某樓幕吏搜索至樓下南洲卽托觀劇僦舟而逃去此皆浪勇怯忘勝負者也
(未完)

文苑

捕鼈者說

笠間益三

三池郡上菟道村有盲焉善入水捕鼈雖有目者不能及也可謂奇矣其將捕鼈也裸體立水濱徐々倚石沿岸而下如有所思少焉急伸兩臂沒水暗搜冥索輒捕之其易如探物於囊中蓋百不誤一也有問其術者哂而不答蓋得之於熟練之餘不可以言語傳歟學者之於求道非盲捕鼈之類也夫孝弟忠信仁義禮樂資之於左右而無不足矣載之於詩書而無不明矣索之則在焉搜之則獲焉而終身迷惑而不曉沈溺而不回者曾盲之不如也悲哉

記熊本地震

迂軒 伊藤龍吉

明治二十二年夏七月予遊學熊城得聞將歸省於八代會霏雨旬餘諸川皆漲決堤撤橋以塞我歸路是以不果時予宿明午橋畔高須某家某有二男一女皆幼而某適以事